

koufft habe, die iczunt besiczen vnd ierlich geben mit namen Peter Winckeler virvndzweuzig groschen anderthalben scheffel weis anderthalben scheffel korns anderthalben scheffel hafern funfthalp hun achthalp eye vnd anderthalbe schulder von anderthalben hufen ardackers, Mattes Smid virdehalben vnd virtzig groschen funfftehalb hun vnd anderhalb schog eyer von anderhalber hufen, Thomas Richter von einer hufen sechzehn groschen ein scheffel weis ein scheffel korns ein scheffel hafern eine schulder vnd drii huner, Andres Borer von einer halben hufen funffzehn groschen vnd ein halp schog eyer, Paul Knorre auch von einer halben hufen funffzehn groschen vnd ein halp schog eyer vnd Michel von der Auwe funffzendehalben groschen anderhalb hun vnd ein halp schog eyer von einer halben hufen. *Auf Ansuchen des Probstes habe er diese Zinsen, welche die Verkäufer aufgelassen, zcu dem gnanten closter sent Affran gefryet geeygent, die vß werltlichem lehn gelasen vnd zcu geistlichem gute gegeben — mit sulchen eren wurden nuzen rechten friheiten gewonheiten allen vnd iglichen andern iren zugehorungen, wie die sunderliche namen gehaben mogen zc. Darentgegin hat der gnante probst vor sich sine nochkomen vnd die gancze sampnunge zcu sent Affran achtvndzweuzig groschen vf Petern Merwicz, zwelff groschen vff Grawhart vnde acht groschen vf Nickeln Nawck im dorffe zcu Merwicz^{b)} in der Dreschnische pflege gelegen, die bißher ir frii eigen gut gewest sint, vß der geistlichkeit getan vnd zcu rittergute komen lasen vns vnsern erben vnde erbnehmen zcu widerstatunge, die wir furder haben verilien als vnser lehnbrüue doruber gegeben besagen. Vnde also Nickel vnde Hans Preger gebruder verkoufer die obingedachten guter nu durch sie verkouft mit andern gutern von vns zcu lehn vnde vnsern lehnbriff doruber gehabt haben vnde denselben vnsern lehnbrif, dorynne dise ire verkouften guter vßgedruckt sin, noch ynnehalden, sulch ynnebeholdunge vnser lehnbrifs sal dem probste zcu sent Affran sinen nochkomelingen vnde dem gotshuse in ewigen gezeiten an den vorberurten yren gekouften gutern keinen schaden fugen noch brengen —. Des zcuwarem orkunde vnde beuestenunge —. Hiebey sint gewest vnd gezugen der erwirdige in got vater vnser besunder lieber herre vnde frunt her Caspar bischof zcu Missen, er Ditterich von Milticz ritter, Hans Loser vnser rete vnde liben getruwen vnd ander vnser manne vnde diener gnug gloubwirdiger. Geben zcu Missen noch Cristi vnser herm geburt virczehnhundert vnd dornoch im viervndefunffzigsten iaren am dornstage sent Johans tage des heyiligen ewangelistenn.*

Nach dem Orig. im K. Haupt-Staatsarchiv zu Dresden mit dem Siegel an einem Pergamentstreifen.

b) Merbitz, Par. Briessnitz.

No. 280. 1454.

Er Johannes Stoye probst zu sant Afran, er Caspar Sommerberg prior, er Nicolaus Questewitz kochemeister, er Cristoforus Czigeler senior, er Nicolaus Stoyan custos vnd die gancze samnung zcu sant Afran *bekennen, dass sich mit ihnen* der gestreng vnd woltuchtige Hans von Tubenheym zcu Sornewicz gesessin eintrechtlichen betragen hat vmbe eyne messe alle wochen zcu singen, als von vnser lieben frawen gnant conceptionis Mariae, die wir singen sullen vnd wollin in der cappelle sancti Michaelis in vnserm closter alle mitwochen nw vnd zcu ewigen getziten dy weile vnser closter stehit, vnd sullen dy vorsorgin mit allerleye, das dor tzu gehort, do denne seyn vater seiliger Nickel von Thubenheym ouch alle wochin dry messen ynne vorsorget hot —, vnd sullen sin gedengken, vnd eyner Agnyßen vnd eyner Barbaren sele, siner elichen hußfrawen yn dem todinbrüue, vnd siner kinder, dii in vnserm closter begraben werden. *Zu dieser Stiftung und Messe hat Hans von Tubenheym ihnen 1 Schock Gr. jährlicher Zinsen im Dorfe Grossdobritz für 13 Schock Gr. gekauft, und geloben sie für sich und ihre Nachkommen* sulche obgeschrebene messe vnde gestiffte zcu halden alzo fromme lute. Des zcu bekentnisse — gegebin nach Cristis geburt tawsendt vierhundert iar, dar nach yn dem viervndefunffzigsten iare.

Nach dem Chart. monast. s. A frae I. fol. 34. u. II. fol. 65^b.